

重臣不出三年君自微召若非理極對言語
干顯不出三年患大疾合者若有求術即得
太陰玄女不死之術曰日上昇

虛危室壁四星之精常以癸丑日為尼師好
顏色衣鮮潔衣服遊於聚落或至人家門戶
廣說譬喻以度男子得遇者當年田蠶六畜
家業日日資長生貴子必為重臣大富貴不
求自得鬚髮不白意有所求若不隨意者一
年之內家破人亡生無目之子凡前七星遇
者得一切欽敬有所欲者即應一切不求自
得老者反少

凡前諸宿之精識者多矣但諸宿之精所臨
分野及至聖明官長所治之邦亦皆見此太
公識太白之精李斯識鎮星之精諸葛亮識
榮惑之精得兵機祕要之訣黃帝識太陰月
之精白日上昇張良識歲星之精及太白之
精韓信識角亢之精李靖識南方七星之精
得萬勝兵訣雷公之式曹操識日精李淳風
識東方七星之精通玄象識氣候若過論識
者甚多矣自古及今非一人而得之文煩不

能具載尋往往見之見者自然聰明皆自富
貴識度與常人不同即須在意

太上洞神五星諸宿日月泚常經

正一天師清微弟子 洪百堅 製作
道教學術資訊網站

二經同卷

太上妙始經

太上浩元經

十五

太上妙始經

太上老君曰道出於無形無名無聲無色無
味淡然而虛無為宗自然為生以清微玄元
之氣為本有無極之功無表無裏亦無上下
無有前後靜為一體先天地而生其要妙廣
遠彌漫不可得名故字之曰道合則為元氣
散則天地天地三千六百億萬歲一合會數
窮於三五七九而天地壽盡盡之時陽精
化為火陰精化為水先以火燒其上至六天
下至九地然後以水平之混而歸一復三千
六百億萬歲一開方復分別元氣清者為天
濁者為地天玄而清地本而黃太陽之精為
日太陰之精為月復分日月之精為星辰二
十八宿天有四時五行六甲十二時天地之
氣交合然後人民禽獸草木蟪行蠕動森然

皆生乃有五嶽四瀆三十六山與雲布雨置
 立三皇五帝胤胄百姓更相產孺如此元氣
 一合一開無有窮極從始至終益已數千百
 萬歲開合不可復計天地終訖之時萬物形
 像皆成虛無惟其人道士功德無量能千變
 萬化鍊易其形在九天玄元之上乃解窮天
 地數千百萬變易有此無極之氣耳嘗此之
 時惟有神明元氣元氣以道為先故天下莫
 大於道夫天地六合其外如雞子又似車輪
 元氣繞之如日之暈元精之所散也六合中
 央廣方各一萬八千里此山盡黃金瑤璃水
 精為之上官室草木禽獸皆有七寶之形其
 上即天帝之所主主錄天下三萬六千神萬
 物死皆屬之崑崙山上復有九天九天都名
 耳有數千萬重天但大域窮於九九是數之
 極也諸天官室皆懸在空中中言天中人皆
 有空虛之身能飛行目能視耳能微聽變化
 三天是無上正真道界最有功德乃得生
 此天中此天以下各隨功德多少所生各有
 重界崑崙山以下有九地地下有一重水水

下有風如是風水之地各各有九重更相擊
 持今之地動者是風水搖也王者有大功德
 若有寬酷故天地為之動鬼神為之感此九
 地之下各有諸鬼官府及諸地獄九天中亦
 有獄九天之上仙聖所住九天之下鬼神之
 所住即是今之邪官邪偽之所統其中各有
 君王更相主錄無有毫差也天門在西北地
 戶在東南天門地戶正相對之神東名曰鈞
 天有八十一國縱廣八萬一千里今之土國
 也山之南名曰炎天有六十四國縱廣六萬
 四千里山之西名曰素天有四十九國縱廣
 四萬九千里山之北名曰玄天有二十五國
 縱廣二萬五千里如此四天之民土界各異
 別日月星辰五嶽四瀆三十六山彼三天所
 生不同在人罪福故書所不載自今及古天
 生聖人不使書說正在此一國土君臣父子
 尊卑善惡此天之民最苦耕織賦役有飢渴
 疾病官府死生之痛人生時能備道科或死
 七日後皆生諸天中福舍安穩之處長在道
 氣氣中無復謫罰福流子孫能解脫七世重

罪若下生人中必為豪貴子孫生時惟惡無
 善死時入地獄考治魂魄苦痛備至罪罪誦
 罪以力償人若出為人必生下賤癡愚之中
 崑崙四天以外有鐵圍山山外有日月所不
 照名曰八冥界則泰山府君之位統領諸獄
 人死歸之簡錄罪福然後分遣其人入於諸
 獄中獄中有鑊湯轉輪銅柱鐵錐刀劍諸苦
 痛不可具言過此九天九地崑崙四方六合
 窮此此外惟有元氣周而虛無所復有聖賢
 所不能辯地氣黃黃主中央故崑崙山者如
 車較六合施之也今之日月出從陽谷湯谷
 中有木名扶桑日出時上其上半天而行暮
 沒時入濛汜濛汜湯谷皆水名耳與地一重
 水相通故今地與日月相速而行出入長短
 虧盈機衡之數從此而始天地死生變化窮
 六合之內一生一死轉轉相起誠子欲離三
 官憂苦但當備持法戒存師念道道不欺人
 道常在世間世世救度一切衆生或為帝王
 或為下吏或為凡人或為賤人或為乞兒或
 為禽獸或為老物或為星辰故人莫能知之

諸賢者若能行善無惡功德備足者可得白日昇天尸解神仙自不能爾命過壽終其當歸死人有宿命不可怨道也又諸天中之人身長丈三人之形長八尺以還鬼之形長五尺以還人與天地正等有三萬六千神萬八千官府三百六十機關故十月而生取天地十方數也人面有五嶽四瀆之形有八卦五行六甲十二辰有四象四象者風水火土也合此四氣然後成人故人生必受父母陰陽和合萬神具足乃得為胎生胞衣中謂之羅網羅網未脫之時皆識昔日由來一生能啼之後入人道則盡忘之也故能來動搖血脉骨肉溫暖此皆四象之所為也故死時氣絕風去身冷火去血聚水停堅強土住也六畜亦受陰陽五行但不盡備知以為下賤耳人生之時有和氣合其形死之時動風解其身也故曰生死也故諸天道之法自然是以人生之時施行善惡而罪福自應如影之隨形響之應聲也子當思真念一可道過此也故其法清嚴不可妄施道常在人間不去須臾

但人不知之耳月朔十五日月晦此三日天帝當遣六部都錄使者案行天下主書人之善惡可不慎之可不慎之老子曰吾自開闢已來所說諸經有數百萬卷或有載在蘭臺玉函石室之中秘不出世者不可計數至周幽王時襄亂吾乃至函谷關教關令尹喜道術喜得道為真人將尹喜西入胡國先至屬窟闡嶺山中行道為國王所燒不以為因道見虛空之身項負日光體有金剛七十二相八十一好國王服受其道復為胡作四萬言經名曰般若波羅蜜道德五千文三十品復與尹喜舍衛國四月八日化生為王國太子年十五去國學道道成曰釋迦佛佛胡語漢言仙也關令尹喜易名曰阿難沙門弟子學其法者千二百五十人稱善薩善薩者胡類今之道民也教化胡畢以五月十五日尸解託入泥丸泥丸無為也道無常名無有常形或稱釋迦文佛或稱維摩詰或稱轉輪王如此分身別氣輾轉教化化有萬端故明法効其形立浮屠作泥人美來

木象也還漢中而號太上大道無為太上者言無復過其上者老君言先天地而生有無極之氣故稱老也道法無為樂生惡殺以慈心為大世人不知乃殺生禱祀以求生棄無為之事更作有為之業故令世人痠腐縱廣疾病彌起不時太平吾當演出一正一盟威之道統領八極四海之內三萬六千神群仙兵馬將吏軍士六丁八吏等威伏群邪降魔伏鬼皆上就真一天上天下無復為邪杖惡群魔一朝罷息道之教化以師為主故授張鎮南正一之法令世世子孫執持文教化喻萬民布置男女道士化領民庶天地變易之時道當默持名錄更相救度諸賢者明聽經戒道之本起三洞經戒科律甚眾恐人不能悉備故出盟威正法以救凡俗今以相示子宜慎之

太上妙始經